

# Trottinett

**Maa in Uniform** (Christian Hugelshofer, Patrik Meier, Monika Schär)

i weiss, i bin e starchi Frau  
und verdien' mis eget Gäld  
Rückwärts parkiere chani ou  
und i reis' ellei um d'Wält

doch i ha son e chlini Schwächi  
wo i sälber nid verstoh  
es brodlet under de Oberflächi  
und s'isch immer do

**jo, en Maa in Uniform - und i ha weichi Chnöi**  
**s'isch nid ganz ziiitkonform**  
**und es isch ou nid neu**  
**en Maa in Uniform - mir lauft grad de Schweiss**  
**en Maa in Uniform**  
**i ha he, he, he, he, he, heiss**

letscht Woche bim Dorfigang  
het mi e Polizischt usegnoh  
i ha dörfe i s'Röhrli blose  
mir isch jetzt no schwindlig devo

Herr Fürwehrmaa, chöme sie schnell  
i brönne lichterloh  
so isch halt mis Naturell  
und für das sind sie jo do

*i ghöre scho vo Wiit ewäg*  
*de Chrankewage cho*  
*und sofort bin i hie und wäg*  
*mi Retter isch glii do*